

گومي يزینب واندبي گومي زینب واندبي  
على صدري جثته جسام ذابت مهجته

\* \* \* \*

جابه مكسور الظهر أبو اليمه ومنفجع  
ونادی يا أهل الخيم هذا جاسم منصرع  
على صدري اجازته امغسل بفيض النجع  
غايره عيونه وسف لیت يرويه الدمع

يا عظمها مصيبته ويا عظمها محنته

\* \* \* \*

طلعت النسوة وتحن والمدامع هامله  
شافته مخضب وسف لهفه صارت ذاهله  
بيوم عرسك تنذبح في فيافي كربله  
مثل خطبك ما جرى يا سليل المرجله

ما تهنيت بشباب صارت ادمومك خضاب

\* \* \* \*

وسط صيوان الأسى صوب لكبر مدده  
بعين گام يودعه وعين تنظر للعهه  
وزینب بدمع الألم منها يتعالی النده  
يا خليصي شلجری وشلي اعلينا سده

ناحله بهم وتصيح هذا بن خيك ذبيح

\* \* \* \*

وعاينت أم الخدر وفجعها اللي شافته  
أبو اليمه ينتحب ومنه تجري دمعهه  
على الأكبر يمنته وعلى الجاسم يسرته  
يمسح الدم يا وسف عن عيونه وغرته  
ومره ايشم النحر ونوبه ايضم الصدر



\* \* \* \*

هوت ملهوفه على الوالي اتضمه وتنوح  
دمع عينك بالأخو زرع في غلبي جروح  
ليت هالعالم فدا ومن أجل عينك يروح  
ولا اشوفك منكسر والأسى بوجهك يلوح  
أنت يا خويه الذخر وفدوه لك هذا العمر

\* \* \* \*

نادى يختي خضبي جفج ابدم الشباب  
وطفي اشموع العرس ومن دم النحر الخضاب  
لا تلوميني بألم ولا تزيد العتاب  
انكسر ظهري بلمحن وفاض غلبي بلعذاب  
نادي رمله بلعجل تشوف ابنها المنجدل

\* \* \* \*

گومي يزینب واندي گومي زینب واندي  
على صدري جتته جسام ذابت مهجته

لجنة التأليف  
موكب عزاء المعامير

tham 0027